

Amari, 6j.



suechet äs nöiis Daheime mit Freigang ufm Land


Liebi Tierfründe

Ig luege es bitzeli truurig, gäu? Chei Wundr, Wiinachte isch düre, abr min gröschte Wunsch isch no nid erfüüt: es nöiies Daheime. Warum? Mir müsset demnächst usm Huus zügle u ig wärd chei Freigang meeh bechooh, höchstens no i eme Quartier mit viue Chatze, das isch nüt für mi. Itze suechet sy für mi mis Troumplätzli ufm Land. Drum!

Ig heisse Amari (das bedüetet «gliebt wärde» u das möchte ig ou), bi e ächte Chartäusere, wie gseit, 6jährig, kaschtriert, gimpft u chippet, schtuberein, gsung, aahänglech u verschmuest. Ig bi e guetmüetige, sensible, friedfärtige u nöigiirige Chatz. Ig mag: mini Rue gnüüse, Schmüsele, Sünnele, bi mim Mönsch sy u min Freigang, ou z'nacht u am Liebschte bi Schönwättr. Ig mag dagäge gar nid: chliini Ching (die schträsse mi nur u ig cha mi nid wehre), angeri Chatze (egau ob dusse odr dinne), Gschtürm mit angeri Chatze (ig ha so Roufboude hier i dr Umgäbig u chomm immr mou wiedr mit ere Verlätzig hei, drum suech ig e friedlechere Gägend, bi wou z'guet für di Wäut hier) u Ässe (leidr tun d'Nachbare mi aafüettere u ig cha nid widrstah u drum bin ig ou es bitzeli rund, dört muesch guet uf mi ufasse).

Ig hätt drum gärn: es ruhigs Daheime i ländlecher u vor auem chatzearmr Umgäbig, mit vernünftige Nachbare, die wo mi nid dürefüettere sondern nur schtriichele, bi liebi Mönsche, die mi uf Läbensziit wönnt verwöhne. U di uf mini Ernährig luege. Ohni Chatz u Chliiching. E liebe chatzefründleche Hung odr grösseri Ching so ab 10i wäre cheis Problem, das chenn u lieb ig. Was meinsch? Chönntisch Du mir so öppis biete? Wohnsch Du ir ländleche Umgäbig mit wänige Chatze? Hesch Du en ruhige Huushaut u Geduud u Chatzefahrig u Ziit für mi? Das wär's, denn müesset mir üs unbedingt lehre chenne. Ig wohne im Moment no z'Bolligen/BE, zügle aber gärn zu Dir, wo au immr Du wohnsch. Outofahre isch nid es Problem für mi, ig chennes sogar, mit mini Lüüt is Feriehüsli z'fahre. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli.

Dini Amari



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch